

VLIB - LETZEBUERGER STUDENTEN ZU BERLIN



En Guide vun
Studenten fir
Studenten



VIRWUERT

Léif zukünfteg Studenten an Studentinnen,

Mir wësse genau wéi schwéier et ka sinn nom Lycée erauszefanne wou ee wat studéiere wëll. Dëst ass fir jiddereen eng wichteg Entscheidung, dofir hunn mir dës Broschür erstallt firlech d' Stad Berlin méi no ze bréngen an déi wichteg Froen zu Studium an dem Studenteliewen zu Berlin ze beäntwerthen. Mir hoffen datt lech dës Informatiounen en méi ein-fache Start an dëser Stad erméiglechen an och während dem Studium nach bei Onsécherheeten hëllefen.

D'Metropole Berlin besteet net nëmmen aus Techno, Currywurst a Berliner Luft mee d' Stad huet historiesch a kulturell immens vill ze bidden. D' Groussstad huet vill méi verschidde Facettë wéi een am Ufank mengt. All Quartier huet säi Styl an zielt seng eege Geschicht. Berlin ass souwuel kllassesch mee och modern, dofir ass hei fir all Mënsch eppes dobäi. Vun Floumäert bis Ausstellungen a Concerten souwéi *24 Hours Breakfast Restaurants*, hei gött sécher kengem langweileg; Berlin has it all!

Net nëmmen däitsch mee vill international Studente fannen hire Wee op Berlin, well déi grouss Unzuel vun Unis an Héichschoulen all méigleche Studiegang ubidden. Ob Me-dezin, Ekonomie oder Design, hei kann een sou zimmlech alles studéieren.

Mir hoffe mat dëser Broschür, datt mir lech vun der Stad Berlin iwwerzeege kënnen an lech bei Ärer Entscheidung an der Kulturstad Berlin zu studéieren hëllefen. Natierlech stelle mir lech och eise Cercle kuerz vir a freeën eis lech op eisen zukünftegen Events kennenzelieren. Bei weidere Froen zeckt net eis ze kontaktieren an eis Är Froen ze stellen.

An elo, vill Spaass beim Duerchliese vun der Broschür, oder wéi de Berliner soe géif:

Nu aba Ran an die Bulletin!

Melinda Sultanova

Presidentin vum VLIB

INHALT

1. Berlin

1.1 Berlin an Zuelen	4
1.2 Transport Berlin ↔ Lëtzebuerg	4
1.3 Sehenswierdegkeeten	5
1.4 Events	7
1.5 Netzlëch Apps	9
1.6 Ëmweltvignette	10
1.7 Rundfunkgebühren (GEZ)	10
1.8 Logement	11

2. Universitëiten

2.1 Ënnerscheed Universitëit an Fachhéischschoul	13
2.2 Humboldt Universität	14
2.3 Freie Universität	14
2.4 Technische Universität	15
2.5 Charité	15
2.6 Hochschulsport	16

3. VLIB – Lëtzebuerger Studenten zu Berlin

3.1 Wat ass de VLIB?	17
3.2 Events vum VLIB	17
3.3 Merchandise	19
3.4 Kontakt	19

1. Berlin

1.1 Berlin an Zuelen

- 3.469.849,00 Awunner
- 892,00 km² Gesamtfläch
- 16.364 ha Bësch
- Längsten Floss: Spree 45,1 km
- 960 Brécken (Fun Fact: méi wei zu Venedeg)
- Héchsten Gebai: Fernseetuerm 368 m



(Foto: www.hobbyu.de)

1.2 Transport Berlin

Et gi verschidde Méiglechkeete d'Streck tëscht Lëtzebuerg an Däitschland ze bewältegen.

Déi wuel schnellsten Optioun ass de Flieger. Do ginn et déi 3 grouss Fluchgesellschaften: Luxair, Ryanair an Easyjet. An allen Fäll empfeelt et sech méiglechst fréi ze buchen, wëll da sinn d'Tariffer am beschten. Leider ass duerch déi momentan speziell Situatioun och de Fluchverkéier be-
traff, dowéinst flitt nëmme Luxair a reegelméisseg Ofstänn. Et ass ofzewaarde wéini déi aner Fluchgesellschaften sech och rëm entscheiden de Fluchverkéier opzehuelen. Eng aner Optioun ass natierlech den Zuch.

Wéi eng Zuchstreck een do u-
peilt ass engem ganz iwwer-
looss, mee déi wuel be-
kanntste Streck ass Berlin, Köln,
Treier, Lëtzebuerg.

Natierlech kann een och de
Flixbus huelen. Do musst Dir
wuel déi meeschten Zäit aplan-
gen, wéinst de ville Baustellen
déi sech tëscht béide Länner be-
fannen.

Zu gudder lescht kann een och
mam Auto fueren. Mir roden lech
dobäi am beschten zu zwee ze
fueren, well et awer eng weit
Streck ass fir se ganz eleng ze
fueren. Zudeem hunn mir als
VLIB och eng Facebookgrupp
(VLIB Mitfahrgelegenheiten) wou
Dir lech gäre melle kënt.

1.3 Sehenswürdigkeiten:

1. Brandenburger Tor



D'Brandenburger Tor gehéiert zu de wichtigsten Monumenter vun der Metropole Berlin. Fréier huet d'Brandenburger Tor den öst-lechen a westlechen Deel vun der Stad vun enee getrennt. Seid dem Mauerfall ass dës Plaz en Symbol fir déi däitsch Eenheet.



2. Museumsinsel + Berliner Dom

D'Museumsinsel ass en eenze-gaartegt Bauensemble op der Spreeinsel matzen an Berlin. Op der Insel befannen sech 5 grouss Muséeën an den Berliner Dom, déi ënnert den preiseschen Herrscher opgebaut goufen. Am Berliner Dom kann een an d'Kuppel erop, wou een eng Vue iwwert den Zentrum vun Berlin huet.



3. Fernsehturm Alexanderplatz

Den Fernsehturm ass wuel dat bekanntsten Symbol vun der Grousstad Berlin. Den Tuerm gouf an der DDR gebaut an ass mat sengen 368 Meter den véierthéichsten Fernsehturm vun Europa.

(Fotografie: Chiara Reuland)

4. East Side Gallery

D'East Side Gallery ass de längsten erhaltenen Deel vun der Berliner Mauer. 1,3 Kilometer laang ass des Promenade laanscht Spree a gëtt mat all de faarwege Konschtwierker op der Mauer als Open-Air-Galerie bezeechent.



(Foto: www.berlin.de)

5. Teufelsberg

Den Teufelsberg ass eng al US-amerikanesch Abhörstatioun déi ausserhalb vu Berlin am Grünewald op engem klengen Bierg léit. Hei gëtt et méttlerweil vill Streetart ze entdecken an et huet een eng immens Vue iwwer déi ganz Stad.



(Foto: www.bz-berlin.de)

6. Mauerpark

De Mauerpark ass virun allem um Weekend en Hotspot fir vill Berliner. Op de groussen Wiesen nieft der Berliner Mauer fannen hei Floumäert, Grillpartys a Karaoke-Concerte statt.



(Foto: www.mauerpark.info)

7. Thai Park

Op den éischten Bléck mengt een d'eng ganz gewéinlechen Park. Eréischt op dem zweeten Bléck gëtt hei ville Leit eréischt bewosst wien ënnert de faarwege Prabbelien op Hockere setzt. De ganze Summer iwwer kachen hei Weekends Thailännesch Famille leckert lessen op der Wiese a verkafen d'Parkbesucher.



(Foto: www.thaipark.de)

1.4 Events

Zu Berlin ass ëmmer eppes lass!
Mee et ginn heiansdo Deeg am
Joer, do ass nach méi eng lass.
Hei eng kleng Lëscht mat Datu-
mer op déi der lech ëmmer
erëm freeë kënn!

Berlinale (10. – 20. Februar 2022):
D'International Filmfestspiller zu
Berlin. Ee vun de bedeitendsten
Eventer aus der ganzer Film-
branche. Eëmmer en Spektakel
wou een och mol deen een oder
anere Filmstar ze pake kritt.
D'Berlinale fënnt normalerweis
um Potsdamer Platz beim Sony
Center an um Zoologischen Gar-
ten statt!

Myfest (1. Mee 2022): En mega
Event duerch ganz Kreuzberg
verdeelt wou Dir op all Eck eng
Band oder eng Attraktioun fannt.
Duerch all Park a Kreuzberg sinn
DJs verdeelt déi eng mega Am-
biance schaffen!

Karneval der Kulturen (3.–6. Mee
2022): Eng eenzeg Party déi sech
duerch Kreuzberg zitt! Ganz Ka-
rawanne gefëllt mat Mënschen
déi d'Liewe feiern. Eenzegaar-
teg Performancen an immens
gutt Stëmmung!



(Foto: www.mdr.de)



(Foto: www.welcome-to-berlin.com)



(Foto: www.berlin.de)

Christopher Street Day (24. Juli 2022): Och ob dësem Dag ass a ganz Berlin eng mega Atmosphären ze spieren. Eng riseg Karawann zitt hei duerch Berlin wou méi wéi 100'000 leit fir d'-Rechter vun de LGBTQ+ Communities antrieden! Net ze verpassen!



(Foto: www.berlin.de)

Berlin Marathon (25. September 2022): Ee vun deene bekanntste Marathonen ob der Welt zitt alljoers eng Tonne Mënschen ob Berlin déi dee Weekend versichen iwwert hier Grenzen erauszugeen. Och hei ass duerch ganz Berlin eng lass an et lount sech ëmmer erëm Weltrénomeiert Sportler u-feieren ze goen!



(Foto: www.berlin.de)

Berlin Silvesterparty (31. Dezember 2022): Ween kennt se net! D'Silvesterparty zu Berlin beim Brandenburger Tor muss jidderem eemol materlieft hunn. Eng wonnerbar Stëmmung déi mat engem bombastesche Feuerwerk end!



(Foto: www.berlin.de)

1.5 Nätzlech Apps

Wann een nei an esou enger grousser Staat ass, schénge et munchmol wéi wann ee komplett verluer ass. Mee well mer jo an engem digitalen Zäitalter liewen hunn mer lech hei e puer Appen rausgesicht déi lech den Alldag zu Berlin vereinfache wäerten.



BVG-Fahrinfo: En absolute Muss fir jiddereen deen zu Berlin lieft oder och nëmmen ob Besuch ass! An der App BVG Fahrinfo kritt Dir déi genau Zäite wéini U-Bahnen/S-Bahnen/Busser/Trame fueren. Dir kënnt lech och lokaliséiere loossen an da fënnt d'App lech déi perfekt Connectioun fir bei Är gewënschten Destinatioun am schnellsten/einfachsten ze kommen!



BVG-Tickets: Mat dëser App kënnt Dir ganz bequem an einfach iwwert den Handy Billjee'en fir Är Faart am ëffentlechen Transport kafen (Paypal oder VISA) an entwäerten!



Uber / FreeNow: Wann der eemol guer keng Loscht hutt den ëffentlechen Transport ze benotze kennt der mat dësen Apps en Fahrdienst bei lech rufen deen lech schnell a sécher ob Är gewënschten Destinatioun bréngt. D'Praisier hei sinn och net vergläichbar mat Lëtzebuerg. Keng Angscht: de Portmonni verkraaft och heiansdo esou eng Faart!



Lime / Tier / Bird: Dir kennt se bestëmmt all: E-Scooteren. Elektresch Trottinetten déi der fir bëllegt Geld loune kënnt an domadder Stroossen onsécher maache kënnt!



Gästeliste / RA Guide: Dëst sinn Apps déi lech Events (Partys/Concert'en) a ganz Berlin uweisen! Ganz nätzlech wann der eemol en Owend net wësst wat genau maachen!



L i e-
f e-

rando/ Foodora/ Deliveroo:
Ganz nätzlech Apps falls Dir
eemol Owes keng Loscht hutt ze
kachen!



TooGoodToGo: Wei den Numm
et seet kann een hei bei verschi-
d d e n e G e s c h ä f t e r
lesssaache bëlleg kafen, déi
soss ewechgeheit géife ginn.
Bezelt gött online an da geet
een an dat jeeweilegt Geschäft
et sichen.



Miles / ShareNow / WeShare:
Dëst si Car-Sharing Apps. Hei
kënnt der en Auto fir eng bes-
tëmmt Zäit oder Distanz lou-
nen.



Discoeat: Dëst ass eng App fir
Prozenter a verschidde Restau-
rants zu Berlin ze kréien. Of-hän-
geg vun der Auerzäit, kann een
hei bis zu 50% beim lesse spue-
ren.

1.6 Ëmweltvignette

Innerhalb vum Ring vu Berlin ass
eng Umweltzone. Hei dierfen
also nëmmen Autoe mat enger
Umweltvignette fueren. Dës Vi-
gnette kritt een op verschidde
Plazen ze kafen. Beim TÜV kritt
een se fir 6€, beim ACL fir 10€
als Net-Member a fir 7,50€ fir
Memberen, oder et keeft een se
sech op enger Tankstell zu Berlin
fir 5 bis 8€. Ofhängeg vun der
Schuedstoffklass vun dem Auto
kritt een dann eng gréng, giel oder
rout Plaque ausgehallt. Zën-
ter 2010 dierfen zu Berlin nëm-
men nach Autoe mat enger
Grénger Plaque eran. Méi In-
formationen dozou fannt Dir
hei: www.umwelt-plakette.de

1.7 Rundfunkbeitrag (GEZ)

De Rundfunkbetrag ass en Bei-
trag fir déi öffentlech rechtlech
Sender (ARD, ZDF,...) den ee be-
zuele muss onof-hängeg
dovu wéi vill Leit an enger Wun-
neng liewen an ob een en Fern-
see oder en Radio iwwerhaupt
Doheem benotzt. D'Käschte fir
een Haushalt leie bei 17,50€ de
Mount. Wann een d'Social Bour-
se vum Cedies kritt, kann een
sech als Lëtzebuerger Student
vum Rundfunkbeitrag befreien.
Wei dat funktionéiert kennt der
bei der ACEL ënnert dësem Link
noliesen: [www.ancel.lu2017/02/09/
how-to-befreiung-vum-rundfunk-
beitrag/](http://www.ancel.lu2017/02/09/how-to-befreiung-vum-rundfunkbeitrag/)



(Foto: www.crocodilian.de)

1.8 Wunnengssich/Logement

Eng Wunneng zu Berlin ze fannen ass schwéier mee net onméiglech! Et muss een domadder rechnen dass ee vill Demandé schreiwe muss an alt deen een oder anere Weekend op Berlin komme muss fir op Wunnungsbesichtigungen ze goen. Internetsäite fir Wunnungen ze fanne ginn et der puer mee déi bekanntst sinn da wuel : Immonet, Immowelt an EbayKlein-anzeigen.

Dann ginn et hei och vill Studentenheemer (Neonwood, CampusViva) wou een ouni Problem als Iwwergang fir 6 Méint oder och natierlech méi laang ganz angeneem wunne kann.

Wann Dir eng WG sicht, kënne mir den Site www.wg-gesucht.de empfeelen! Do kënnt Dir eng Annonce vun lech erstellen, do mellen sech dann interesséiert WGen bei lech, oder Dir kënnt duerch Annoncë browsen fir eng passend WG ze fannen an lech dann do bewerben!

Vergiesst och net an eiser Facebookgrupp: Vlib-Ob Wunnengssich lech ze mellen, well mat vill Chance kann een engem anere Lëtzebuerger Student seng Wunneng oder WG-Zëmmer iwwerhuelen oder fir eng gewëss Zäit untermieten. Dat wichtegst ass net opzeginn, datt ass net immens einfach mee mat genuch Gedold fënnt jidderee säi richtegt Doheim!

2. UNIS

2.1 Ennerscheed Universit it an Fachh ichschoul

Am allgemenge g tt op Universit ite vill gefuerscht, de Fokus l it m i op der Theorie an op der W ssenschaft. Eng Universit it ass meeschtens eng grouss Institutioun mat m i grouse Studieg ng a Studieguppen. Et kann ee s i Studium selwer gestalten, andeems ee selwer decid iert, a w i engem Semester ee w ie Modul maache w ll an och mol eng Klausur no hanne verr ckele kann. M ttlerweil si vill Studieg ng op Universit ite „zulassungsbeschr nkt“. Dat bedeit, dass et en Numerus Clausus g tt. Et brauch een also oft eng best mmte Moyenne, fir ugeholl ze ginn. Wat d'Finanzierung ugeet, ginn et op Universit iten an der Reegel niewent dem Semesterbeitrag keng weider Studiegeb hren.

Fachh ichschoulen nennen sech haut  mmer m i „Hochschule f r angewandte Wissenschaft“ oder op Englesch „University of applied sciences“. D st weist schonn, dass hei de Studium m i praxisorient iert ass. Eng Fachh ichschoul ass am Verglach zu enger Universit it meeschtens eng m i kleng Ariichtung mat m i klenge Studieguppen.

Et fillt een sech also manner anonym an et ass och m i einfach, direkte Kontakt mat de Professeuren an Dozenten ze hunn. De Stonneplang ass meeschtens scho virginn, et huet een deemno w i also manner Fr iheete w i op enger Universit it, well een net selwer decid iere kann, a w i engem Semester ee w ie Modul belee  well. Dofir muss een sech awer em vill manner selwer k mmeren, well een sech net fir Moduler oder Klausuren umelle muss. En Numerus Clausus g tt et op Fachh ichschoule quasi ni, mee  ischer en klengen Opnahmetest. Eng Fachh ichschoul ass dofir awer oft m i deier w i eng Universit it, well meeschtens hei all Mount Studiegeb hre musse bezuelt ginn.

Beim Bachelor a Master g tt s it dem Bologna-Prozess keen  nnerscheed m i t schent enger Universit it an enger Fachh ichschoul gemaach, d'Oofschless gi gl ich bew ert.

Zu Berlin ginn et 4 staatlech Universitëiten, 5 staatlech Fachhéichschoulen, 27 privat Fachhéichschoulen a 4 Konscht- a Musekshéichschoulen.

An dëser Broschür stelle mir Iech déi 4 gréissten Unie fir:

2.2 Humboldt-Universität (HU)

D'HU bitt Fächer un, wie Biologie, Chemie, Physik, Mathematik, Informatik, Geographie, Psychologie, Pedagogik an nach viles méi.

Ob et en Numerus Clausus (NC) gëtt, hänkt hei ganz vum Studiegang of. Aschreiwe kann en sech ob der HU fir d' Wintersemester (1. Oktober - 31. Mäerz) vum 1. Juni un bis de 15. Juli a fir d' Sommersemester (1. Abrëll - 30. September) vum 1. Dezember un bis de 15. Januar. D'Umeldung leeft iwver Uni-Assist vir Lëtzebuerger Studenten.

D'HU freet Semestergebühre vun 315,64 Euro. De Semesterticket fir den öffentlechen Transport ass do inclus.

D'Haaptgebai vun der HU leit immens zentral an der Stroos *Unter den Linden* am Bezierk Mitte. Vir weider Informatiounen kuckt gär ob der Internetsäit vun der HU, www.hu-berlin.de, no.

2.3. Freie Universität (FU)

D'Freie Universität ass och eng vun de grouse staatlechen Universitëiten zu Berlin.

Hei kann ee bal all klassesch Fächer wéi Biologie, Chemie, Mathematik, mee och Politikwëssenschaft, Wirtschafts-Wëssenschaften, Psychologie an nach viles méi studéieren.

D'Bewerbungsfriste gi fir déi meescht Studiegäng fir d' Wintersemester bis de 15. Juli a fir d' Sommersemester bis de 15. Januar. Dëst kann awer va-riéieren, et sollt een sech also besser op dem Site www.fu-berlin.de informéieren.

D'Bewerbung leeft fir Lëtzebuerger meeschtens iwver Uni-Assist, ausser fir Fächer wéi Veterinärmedizin a Pharmazie muss een sech iwver Hochschulstart.de bewerben. Ob et en Numerus Clausus (NC) gëtt, hänkt ganz vum Studiegang of.

An de Semestergebühren, déi 315,64 Euro kaschten, ass de Semesterticket inclus.

De Campus vun der FU leit am Südweste vu Berlin, zu Dahlem am Bezierk Steglitz- Zehlendorf.

2.4 Technische Universität (TU)

D'TU bitt eng grouss Vielfalt u Studiegäng un, ënner anerem Architektur, Bauingenieurwesen, Bildungswissenschaft, Biotechnologie, Chemie, Elektrotechnik, (Wirtschafts-)Informatik, Maschinenbau, (Wirtschafts-)Mathematik, Physik, a Statistik.

Et hänkt vum Studiegang of, ob et en Numerus Clausus (NC) gëtt. Als Lëtzebuerger muss een sech iwwer Uni-Assist umellen, d'Friste variéieren all Semester, z.B goufen d'Bewerbungsfristen duerch de COVID-19 no hanne verréckelt. Aktuell Informatiounen ginn et op www.tu.berlin/studieren/bewerben-und-einschreiben/fristen-termine/.

Pro Semester muss een 307,54€ Semestergebühre bezuelen, do ass de Semesterticket fir den öffentlichen Transport mat dobäi.

Den Hauptcampus vun der TU erstreckt sech iwwer Charlottenburg an Tiergarten. Weider Standorte sinn de Campus Wedding, Campus EUREF an de Campus Dahlem.

Déi follgend Informatiounen an nach vill méi fënnt een op www.tu.berlin.

2.5 Charité (medezinesch Fakultéit vun der HU an FU)

D'Charité ass d'medezinesch Fakultéit vun der FU an der HU an deementspreechend kann een do studéieren wat a Richtung Medezin geet (Humanmedezin, Zahnmedezin, Pflege, Gesundheitswissenschaft). D'Charité huet 4 Standorte zu Berlin, dovun 2 méi Zentral; d'Campus Virchow-Klinikum (CVK) an d'Campus Charité Mitte (CCM) an 2 méi ausserhalb; d'Campus Berlin Buch (CBB) an d'Campus Benjamin Franklin (CBF).

D'Aschreiwungsfriste vir d'Wintersemester (1. Oktober-31. März) gi bis de 15. Juli a vir d'Sommersemester (1. April-30. September) bis de 15. Januar. Dës Friste kennen awer vu Joer zu Joer liicht variéieren, dofir informéiert lech mat Zäit op www.charite.de.

D'Umeldung leeft vir all Bewerber aus der EU iwwer d'Stiftung fir Hochschulzulassung (SfH) ënner Hochschulstart.de. Ob et een Numerus Clausus (NC) gëtt, hänkt vum Studiegang of. D'Semestergebühre leie bei ongeféier 300€ (Semesterticket inklus).

Wann der nach net genau wësst wat der zu Berlin studéiere sollt, kennen Iech des Websäiten do-bäi hëllef, de richtege Studiengang ze fannen:

www.studienwahl.de/finder

www.hochschulkompass.de/home.html

www.studiengaenge.zeit.de/

2.6 Hochschulsport

D'Zil vum Hochschulsport ass eng käschtegëschteg, divers a qualitativ héichwäerteg Palette vu Sport a Bewegung ze kreéieren déi Varietéit a Balance am Alldag vum Studenteliewen ubitt. Ausserdeem wëllt den Universitétssport Gesondheitsbewosstsinn schaffen, een gesonden Alldag ënnerstëtzen an d'Participanten hiert ganzt Liewen am Sport encoura-géieren. Reegelméisseg Participatioun un Universitétssport ka Fitness a Gesondheet erhalen a verbessern. Universitétssport bitt net nëmme sënnvoll Fräizäitaktivitéiten a Fräizäitméiglechkeeten, mee fërdert och sozial Interaktioun, fair Interaktioun mateneen an d'Integratioun vun internationale Studenten.

De Sportprogramm vum Hochschulsport besteet aus méi wéi 1.000 Offeren, vu wöchentleche Cours'en zu Workshops, gratis Gruppen a Reesen op Turnéier a Concours'en. D'Offer enthält méi wéi 170 verschidde Sportarten a Bewegungsrichtungen.

D'Angebot vum Hochschulsport gëllt fir jiddereen. Am Beschten et rensignéiert een sech fir d'éischt op senger eegener Uni oder Héichschoul ob do Hochschulsport ugebuede gëtt oder net. Egal wéi ass een awer net un seng eegen Uni oder Héichschoul gebonnen. Et kann een ouni Problem Cours'en bei aneren Universitétien huelen. D'Angebot vum de Sportarte variéiert och oft vun Uni zu Uni. D'Präisser fir den Hochschulsport sinn ofhängeg vun der Sportart déi ee wíelt.

Op de folgende Links kennt Dir Iech d'Angebot vun der TU, HU a FU ukucken:

www.tu-sport.de

www.hochschulsport.fu-berlin.de

www.hochschulsport.hu-berlin.de



Maach et fir den VLIB

3. VLIB

3.1 Wat ass de VLIB?

De VLIB ass de Veräin vun de Lëtzebuerger Studenten zu Berlin dee zënter 2008 besteet. Mir sinn ee Cercle deen sech reegelméisseg zesummen trifft an Eventer plangt. Mir hëllef den Erstien an den Interessierten déi gär ob Berlin studéiere kommen sech zu Recht ze fannen a Kontakter ze knüpfen. Bei Froen iwwert Universitëiten, Wunnengssich, esou wéi d' Reese vu Lëtzebuerg ob Berlin an natierlech Froen iwwer Berlin selwer sti mir lech gär zur Verfügung an hëllef esou gutt mir kennen.

3.2 Events vum VLIB

Iwwert dat ganz Joer verdeelt organiséiere mir eng Réi vun Evenementer bei deene jiddereen häerzlech wëllkomm ass.

D'Wantersemester start mat engem éischte Kenneléieren oder no laangem Rëmgesinn no der Sommervakanz mat eisem éischte Stammdësch, deen ëmmer all 1. an 3. Dënschden am Mount an da héiss begehrt Jatzbar am Wedding stattfënnt. Eng super Geleeënheet fir gutt an dat neit Semester ze starten an nei Leit kennenzeléieren.

Weider geet et da mat da Späti-tour, wou mir d'Geleeënheet notze Memberskaarte vir dat neit Joer ze verkafen, mat deenen Dir iwwert dat gantz Joer op eisen Eventer deen een oder anere Su kënt spueren an ni duuschtreg wäert heemgoen (Gratis Shots, Beerpongturneier vir 10€ amplaz vu 15€, asw.).

Iwwert de Wanter organiséiere mir ënnerschiddlech Aktivitéiten, zum Beispill ee Beerpongturneier (deen iwwregens och am Summersemester stattfënt), Karaoke, Escape Room a viles méi.

Um Tournoi de Noël, deen all Joers vun da ACEL organiséiert gëtt, si mir mat eisem Grillstand beschtens vertraueden. Weider Eventer op deene mir mat engem Stand vir lech bereet stinn, sinn ënnert anerem d'Foire de l'Etudiant an de Studentebal.

Am Summersemester gëtt et dann Zäit vir eis alljärelech Assemblée Générale, wou de Bilan vum Joer gezunn an deen neie Comité gewielt gëtt. Ee weidert Event, fir dat mir eis extra vill méi gi fir lech déi spannendste Froen ze bidden, ass eise Pubquiz.

Wéi Dir gesitt, gëtt et mat eis net langweileg a wann Dir awer mol Loscht op eppes anescht hutt,

dann fannt der dat an dëser Stad jiddefalls, ganz nom Motto: *Kommse rin, könnse rauskieken!*





3.3 Merchandise

Zënter leschtem Joer kënt Dir och Ären eegene VLIB Pullover kréien. Bestelle kënt Dir all Joer am Ufank vum Wantersemester beim Comité. Et ginn am Ganze 5 verschidde Faarwe (Schwaarz, Donkelgro, Hellgro, Donkelblo an Bordeaux) mat enger Wiel tëscht wäiss a schwaarz Drock.

3.4 Kontakt

Wann der elo sollt froen hunn, sief et zum Studium oder zum allgemenge Liewen zu Berlin da kennt der eis esou erreechen :

Facebook :

- VLIB - Lëtzebuerger Studenten zu Berlin
- VLIB - Ob Wunnengssich zu Berlin
- VLIB - Mitfahrgelegenheet Berlin - Lëtzebuerg

Instagram: @vlib.berlin

E-Mail: comite.vlib@gmail.com

IMPRESSUM

Editeur:

VLIB - Verein der Luxemburger Studenten in Berlin

E-Mail: comite.vlib@gmail.com

Redakteren:

Melinda Soultanova

Alexander Schmitz

Pierre Foxius

Mick Molitor

Sophie Schroeder

Jil Weyland

Laura Schiltges

Phoebe Lee

Max Deitz

Layout

Melinda Soultanova

Mick Molitor

Fotoen

Chiara Reuland